

丹陽縣志補遺卷之十四

方外

唐

惠閣黎權德輿贈以詩曰支郎有佳文新句凌碧雲

宋

永明僑居餘杭觸法網遂出家習定天台天柱峰鳥巢其衣禪師事韶國成勝果

元

本中大同寺僧來自浙天目有禪機工詩文不混流俗

著有梅花百韻詩行世以上均見乾隆志

丹陽縣志補遺 卷之十四 方外

清

定義能詩善書主嘉山寺過午不食

性海焦山巨超弟子主高旻寺巨超借庵詩鈔中有送

性海還高旻寺詩云宿根汝本深書過目能記落筆走

奔濤龍門雖一試棄儒卽歸釋所念惟六字又有悼性

海茶毘得舍利三顆及題性海拾遺集各詩

墨亭主呂城西茶庵工詩與黃之晉酬和有敢稱方外

一門生之句又有空相者主呂城北禪寺亦能詩

附考證

唐羅暉大和中鑄銅鐘鐘文作中和寺觀普桓尊師寺觀

類仙臺觀元劉海乾隆志元作明註作恒尊海乾隆志元作明註作恒尊下有喜字

丹陽縣志補遺

卷之十四 方外

流寓

漢

殷封桓靈間為諫議大夫出為冀州刺史避黨錮棄官

擊家屬南渡棲於曲阿

見文苑英華唐天平軍節度使殷公碑

唐

冷朝陽自真定遷丹陽之彭隍為大歷十子之一與皇

甫冉兄弟張祐權德輿許渾俱有詩名

見陳維崧蔣清詩序

宋

曾布建昌人居丹陽

蔣瑱字子玉其先自常之宜興徙居丹陽桐村幼失怙

丹陽縣志補遺

卷之十四

流寓

三

恃自知讀書寒暑不輟弱冠有聲閭里間家素饒恤

孤贈貧具有恩惠營別業於石潭為終隱計年四十

四卒平生慕陳少陽之為人遺命葬其墓側虛谷方

回為之志銘

以上見至順郡志

刁雍字文叔丹陽人昇州籍任鹽官知縣子駿官黃岩

縣丞

見張九成橫浦心傳錄

吳有年其先沛人紹興七年進士因帝決用秦檜不仕

過丹陽樂其土風遂家荆村與洪遵兄弟友善或勸

為文章曰吾實且不存於文何有終身奇鬱忠憤而

淪落以逝

高詠堂集

蘇嘉字景謨寓居丹陽弱冠遊上庠初試授將作監主簿後改知富陽縣蘇軾稱其政事古循吏無以過以黨籍終宗正丞

豐有俊稷之孫也仕真州多茂政以忤史彌遠罷官依同年劉宰寓丹陽琴書杜門子孫因世居焉

岳雷鄂王飛次子兄雲殉父難雷隨母徙後南還就弟霖子璠共居丹陽歿葬鶴跡寺旁乾隆三年教諭江琮詳請從祀鄂王以上乾隆志

明

王範字君鑑號慕吉成都內江人崇禎辛未進士令丹

丹陽縣志補遺

卷之十四

流寓

四

陽復練湖以濟漕召見授御史時天下大亂奉母歸蜀既歸而張獻忠破夔門知蜀必不守避地入丹陽人聞其至爭割田宅贍之謝勿受東阡西陌與父老過存如是十六年而歿葬邑之秩城莊見吳梅村集

清

蔣理正字紫真武進人外家吾邑荆氏少孤依外家盡讀其藏書補丹陽學後客崑山徐氏藏書閱殆徧尤邃醫孫良字秋泉以祖籍爲邑諸生工畫

李寶緗字芸閣丹徒諸生叔兆懷寓吾邑以詩鳴寶緗爲之益工與東虞琴周澹漪劉時庵及丹徒趙小坡

張易庵結吟社一時推重時庵輯曲阿詩綜寶糴預
商定著有縹雲樓詩鈔二卷

慶光亨字子元和州含山人性豪放工詩嗜酒善畫梅
醉後潑墨淋漓稍逆意輒謾罵咸豐初佐向榮幕來
吾邑後流寓焉

丹陽縣志補遺卷之十四終

丹陽縣志補遺

卷之十四

流寓

五